

Pilimon

Pol Pilimon nop mij ñu kil tikak

¹Yad Pol. Krais Jisas nop wög gen, yip miñ lel midebin. Yad mam cin Timoti eip midil, nibep mij nibaul ñu kil tikobir.

Mam tep cin Pilimon, cin wög jim ñil gipin. ²Nak ak, ai cin Apia ak, bi cin eip God wög kilis gil gip Akipas ak, Krais Jisas bin bi ne karip nep apil God nop sobok gipim okok magilsek, nibep mij aul ñu kil tikobir.

³God Bapi cin abe, Bi Kib Jisas Krais abe, nibep yimig niñil di tep gil kod mider, nibi kapkap mid tep gi midenimib.

Bin bi God nop niñ dipal okok kirop midmagil lipan, agak

⁴⁻⁵Nak Bi Kib Jisas nop niñ dilig gi, God bin bi ne okok kirop magilsek midmagil lipan ak yip agel niñil, yad God yad nop sobok gilig gi, nep gos niñil per nep tep apin. ⁶Yad God nop apin, “Bapi. Cin Pilimon eip Krais minim tep ak ag amil apil gil me, cinop bin bi Krais nop niñ dil cig gilig gi midobin okok tap tep tari tari ñiban ak, Pilimon ne magilsek niñ tep ginimiñ,” apin.

⁷Pen mam tep yad Pilimon niñan! Nak God bin bi ne okok kirop midmagil yib lipan ak, kiri midmagil nab kiri adañ miñ miñ gipal. Yad ak rek nep niñil miñ miñ gilig gi gos sek midebin.

Onesimas nop milik ma niñnimin, agak

⁸Nak God bin bi ne okok kirop midmagil yib lipan ak niñil, nak yad Krais bi ne mamil mal midobir rek, yad nep minim kilis agil nak niñ ginimin nig ginimin apnep. ⁹Yad Pol miñi bi milep lipin. Krais Jisas minim tep ak ag ñi ajen, yip miñ lel midebin rek, nep minim kilis agniñ apnep ak pen nep niñ ma agniñain. Nak bi midmagil yad mideban rek, yad agebin rek ginimin.

¹⁰Pen minim yad ak, Onesimas ne ñi yad ke rek lip. Nep wög gil kirig amnak ak, siñaul yad eip miñ midil, Krais minim tep ak ag ñen niñ dip ak me, yad nap ne rek midebin; ne ñi yad ke rek mideb. ¹¹Ned ne nep wög gi ñi tep ma goliñip; pen miñi ne nep wög gi ñi tep gil, yip wög gi ñi tep gil ginigab.

¹²Pen ñi midmagil yad rek ak nep ag yokebin. ¹³Ned ag niñil minim nak ak dil rek, nop ma ag yokpnep. Kraiis minim tep agen, yip miñ lel midebin siñaul, nak apil yip kod midenimin rek ma lip ak, Onesimas yip kod midobkop. ¹⁴Pen yad gos yad ke Onesimas nop di midenigain ak yipid gil ma ginigab, agil, nop ned ag yokil, nep kisen ag niñebin. Yip ker kisen ag yokniğ, ag yoknimin. ¹⁵Yad gos nipin e, God ne ke gek, Onesimas nep won sikol eñap kirig gil amib ak me, miñi nep adik gi apil nak eip per per midenimiñ. ¹⁶Pen miñi nop yokop miñ wög gep bi nak alap ma niñnigaban; miñi nop mam midmagil cir mal yipid gil rek niñnigaban. Ne mam midmagil yad yib, pen ne bi miñ wög gi ñeb nak mideb ak me, nak miñ miñ gil bi miñ wög gi ñeb tep alap abe, Bi Kib bi ne mam tep alap abe dinigan. ¹⁷Nib ak, yip bi niñep nak yib rek, Bi Kib wög eip gipir, agil nipan ak, ñi Onesimas nop ag ginim, agil gos ak ma niñnimin. Yad amjaken yip di tep gipnap rek ak, nop ak rek nep di tep ginimin. ¹⁸Pen ne nep gi timel gip aka tap ognap pen ma ñib, agil, minim ognap midonimiñ, nop ma agnimin; minim nibak yip agnimin. Agek, yad nep pen ñinigan. ¹⁹Niñid agebin rek, yib yad ke mij sek ñu kil tikil lebin. Pen yad Kraiis minim tep ak nep ag ñen nak niñ dil, Kraiis Jisas bi ne mideban ak, nep ma agnigan; nak ke bir nipan. ²⁰Mam yad. Bi Kib nop wög eip gipir rek, agebin rek nep ginimin. Kraiis cirop mal di tep gek mamil mal midobir rek, nak niğ ginimin niñil yad miñ miñ ginigan. ²¹Yad agebin rek nep mer, nak ke gos niñ tep gipan ar ak nep niñil, Onesimas nop ar nibak nep ginigan, agil, tep gek niñlig gi nep mij nibaul ñu kil tikebin.

²²Minim nokim alap nep mideb. Yip karip magil ñilik migan alap niñil di li tep ginimin. Nibi magilsek God nop sobok gipim rek, mañ mideb miñ kirig gil ninim rek lip, agil, gos sek midebin.

Pol minim ag mibil juak

²³Bi nak Epapras ak rek nep Kraiis Jisas minim ag ñek, nop miñ lel, yad eip miñ midobir siñaul. Ne nep “Mideban?” ageb. ²⁴Bi wög jim ñil gipin bi okok, Mak ak, Aristakas ak, Demas ak, Luk ak nep “Mideban?” agebal. ²⁵Bi Kib Jisas Kraiis nibep bin bi okok yimig niñil kod midenimiñ.